



**UPM**  
UNIVERSITI PUTRA MALAYSIA  
SERDANG JERAI

# PKMAG

PUSAT KOKURIKULUM DAN PEMBANGUNAN PELAJAR  
UNIVERSITI PUTRA MALAYSIA

Bil. 1/2018  
ISSN 1985-5311



Kem Perdana Kursus Lencana Perkhidmatan Unit Pengakap Kelana  
(Pengakap Kelana Siswa) m/s 24



m/s 18

Program Karnival Imarah Surau  
Pengurusan Masjid UPM 2018



m/s 6

Program Memperkenalkan  
Kebudayaan Masyarakat Melayu  
Kepada Orang Asli 2018

## DARI MEJA REDAKSI

Assalamualaikum dan Salam Satu Malaysia,  
Alhamdulillah syukur ke hadrat Ilahi PKK Mag  
Bilangan 1/2018 berjaya dimanifestasikan  
sebagai keunggulan dan ketekunan warga  
Pusat Kokurikulum dan Pembangunan Pelajar  
(PKPP) dalam merealisasikan hasrat untuk  
meninggikan imej Pusat sekaligus menjana  
perubahan positif PKPP ke arah meningkatkan  
kualiti staf dan pelajar. Penglibatan secara  
langsung PKPP kepada pembangunan  
akademik universiti telah menampakkan kesan  
yang positif yang memberikan isyarat yang jelas  
tentang peranan yang perlu dimainkan demi  
menjamin kualiti pengajaran dan pembelajaran  
di taman ilmu ni. Di samping itu, kemahiran  
insaniah merupakan elemen yang sangat  
penting yang perlu ditetrapkan ke dalam diri  
pelajar bagi membina sahsiah diri sebelum  
melangkah ke alam pekerjaan. Marilah kita  
bersatu dan bekerjasama dalam melahirkan  
PKPP yang boleh dibanggakan oleh semua.

Rosiha Abdul Razak



## SIDANG REDAKSI

### PENASIHAT

Prof. Madya Dr. Paramasivam Muthusamy

### KETUA EDITOR

Rosiha Abdul Razak

### EDITOR

Emilia Markun  
Mohd Syawal Sauti  
Hairul Nizam Mohd Sarozi  
Noor Ain Binti Mustaza  
Farah Dayana Jamaluddin  
Noor Habibah Mohamed Daud  
Siti Afiqah Mastor  
Ahmad Zikri Zainol



# Sekapur Sireh

## KATA ALUAN PENGARAH

Dalam Rancangan Malaysia Kesebelas (RMK11), tumpuan besar diberikan dalam usaha untuk meningkatkan pembangunan modal insan untuk negara maju. (Hala tuju RMK11, 2016-2020). Menerusi Pelan Pembangunan Pendidikan Malaysia (Pendidikan Tinggi) (2015-2025) terdapat empat (4) bidang fokus, dan antara fokus yang digariskan ialah memperkuuh pembelajaran sepanjang hayat untuk peningkatan kemahiran serta menambahbaik kualiti pendidikan untuk meningkatkan hasil pelajar dan kecemerlangan institusi.

Untuk mencapai hasrat kerajaan, UPM telah menggembeleng (7) tujuh kemahiran insaniah yang mampu melahirkan pembangunan pelajar secara syumul iaitu sempurna. Perkara ini secara tidak langsung akan dapat melahirkan generasi pelajar yang mempunyai jati diri yang tinggi. Di samping mempunyai semangat perpaduan yang tinggi agar dapat menjadi benteng kukuh untuk menangkis segala anasir dalam usaha memecahbelahkan perpaduan kaum yang ada di Malaysia.


Dalam konteks ini, Pusat Kokurikulum dan Pembangunan Pelajar memikul peranan penting dalam usaha menerapkan dalam diri pelajar supaya memiliki nilai-nilai perpaduan yang tinggi dalam masyarakat. Jika dilihat pada lonjakan pertama Pelan Pembangunan Pendidikan Malaysia juga turut mengariskan agar dapat melahirkan generasi akan datang dan mereka perlulah diterapkan dengan ciri-ciri keusahawanan. Ciri-ciri keusahawanan yang dimaksudkan bukanlah berfokus kepada perniagaan semata-mata, tetapi lebih kepada kemahiran mereka cipta pekerjaan untuk orang lain.

Pelajar ini mempunyai usaha untuk mencipta ekonomi sendiri. Dengan cara ini pelajar tidak akan terlalu bergantung dengan peluang pekerjaan yang ditawarkan oleh kerajaan sebaliknya mewujudkan pekerjaan sendiri terutamanya dalam kita menghadapi keadaan ekonomi negara pada masa yang kurang baik. Hasil daripada pembinaan ciri-ciri keusahawanan ini, dapat mengurangkan pengangguran di negara kita.

Hasrat saya sebagai Pengarah Pusat Kokurikulum dan Pembangunan Pelajar UPM cukup tinggi untuk melihat terbinanya graduan yang holistik dalam diri mereka.

**Paramasivam Muthusamy, Ph.D**

Pengarah / Profesor Madya  
Ogos 2018





Di University of Mauritius

## PELAJAR UPM JELAJAH BUMI MAURITIUS

Universiti Putra Malaysia (UPM) telah mencipta sejarah dengan menganjurkan Program Putra–Cocu@ Mauritius “Gearing Leadership and Financial Intelligence” yang dilaksanakan pada 26 April 2018 hingga 7 Mei 2018. Program bersifat 2-dalam-1 ini merangkumi lawatan (26 April 2018 hingga 1 Mei 2018) dan mobiliti pelajar selama dua minggu (26 April 2018 hingga 7 Mei 2018). Program ini dianjurkan oleh Pusat Kokurikulum dan Pembangunan Pelajar (PKPP) UPM dengan kerjasama dan tajaan daripada Air-Mauritius dan juga Now Asia International Sdn. Bhd. Program bertaraf antarabangsa ini diadakan untuk memberi pendedahan kepada kakitangan dan pelajar UPM dalam mengenali dan menghargai budaya masyarakat Mauritius sekaligus dapat berkongsi pengetahuan dan pengalaman dengan negara tersebut. Program ini juga bertujuan untuk membentuk keperibadian yang tinggi dan bertanggungjawab terhadap masyarakat di luar negara dalam menguruskan aktiviti yang dijalankan. Melalui program ini, pelajar dapat berkongsi ilmu pengetahuan yang dipelajari sekaligus dapat memanfaatkan kepada penduduk Mauritius dan juga dapat menimba pengalaman yang sangat berharga. Program ini juga merupakan satu platform bagi mempertajam dan memantapkan lagi keperibadian mahasiswa dan mahasiswi dari segi kemahiran insaniah yang mungkin tidak diperolehi di dalam bilik kuliah. Selain itu, program ini juga dapat meneroka peluang kerjasama dan kolaborasi antara UPM dengan pelbagai organisasi di Mauritius.

Program Putra–Cocu@Mauritius ini disertai oleh 43 orang peserta termasuk 18 pelajar prasiswazah dan pasca siswazah, termasuk 11 orang pelajar yang menyertai program ini di bawah payung Program Mobiliti selama dua minggu (26 April 2018 hingga 7 Mei 2018). Selain pelajar, rombongan yang diketuai oleh Pengarah PKPP, Prof.

Madya Dr. Paramasivam a/l Muthusamy ini turut disertai oleh Timbalan Pengarah PKPP, Prof. Madya Dr. Nur Izura Udzir, dan lima staf PKPP, serta pensyarah dan pegawai UPM serta keluarga mereka. Peserta program ini terdiri daripada pelbagai latar belakang, iaitu pensyarah dari Fakulti Pengajian Pendidikan, Fakulti Pertanian, Fakulti Bahasa Moden dan Komunikasi, Fakulti Sains Komputer dan Teknologi Maklumat, pegawai dari Penerbit UPM, Bahagian Hal Ehwal Pelajar UPM, Pusat Alumni UPM, Perpustakaan Sultan Abdul Samad UPM, malah juga disertai Pengarah Jabatan Perpaduan Negara Wilayah Persekutuan Kuala Lumpur, pegawai Kementerian Pengajian Tinggi, dan pensyarah Uniten.

Hasil inisiatif kerjasama PKPP dengan syarikat Now Asia International Sdn. Bhd selaku penaja program, sesi perkongsian dan seminar pengurusan kewangan telah dilaksanakan di University of Mauritius dan di Bangunan Tamil League dengan kerjasama University of Mauritius, Islamic Chamber of Commerce dan juga Tamil Chamber of Commerce. Seminar tersebut telah disampaikan oleh CEO syarikat tersebut, Encik Abuayubul Ansari atau dikenali sebagai AbangAbu Mekanik Wang yang merupakan penceramah dalam bidang kewangan. Ternyata, perkongsian ini mendapat maklumbalas yang sangat positif dari kalangan masyarakat Mauritius.

Di samping itu, bagi memanfaatkan alumni UPM di Mauritius, Pusat Alumni UPM yang turut menyertai rombongan ini telah mengambil peluang ini untuk bertemu dengan alumni UPM di Mauritius di mana Majlis Makan Malam bersama Alumni UPM juga telah diadakan. Secara keseluruhannya mereka sangat gembira dengan kehadiran warga UPM dalam program ini dan meminta agar dapat diadakan lagi pada masa akan datang.

Selain Pusat Alumni, Penerbit UPM yang diwakili oleh Ketua Penerbit, Puan Kamariah Mohd Saidin juga telah mengambil peluang ini untuk meninjau peluang rangkaian kerjasama dengan University of Mauritius berkaitan penerbitan buku oleh Penerbit UPM sebagai salah satu cara mempromosi UPM di sana. Ternyata, mereka amat berminat dan beberapa program lanjutan sedang dirancang bagi tujuan ini.

PKPP juga telah mendapat kerjasama daripada Prof. Madya Dr. Tengku Fadilah Tengku Kamalden, Ketua Jabatan Pengajian Sukan, Fakulti Pengajian Pendidikan UPM sebagai fasilitator bagi aktiviti Water Safety, Snorkelling dan Diving yang telah diadakan di pulau tersebut sebagai aktiviti tambahan kepada pelajar dan staf memandangkan Mauritius terkenal dengan laut yang tercantik di dunia.

Pelajar yang menyertai program mobiliti sehingga 7 Mei 2018 telah tinggal bersama keluarga angkat yang diuruskan oleh alumni UPM di Mauritius juga ahli Islamic Chamber of Commerce dan pihak Tamil Chamber of Commerce. Selain aktiviti bersama keuarga angkat, mereka turut menjalankan aktiviti komuniti seperti pembersihan pantai sebagai satu sumbangan kepada komuniti dan juga alam sekitar.

Pemilihan Mauritius sebagai destinasi dalam program ini sangat bertepatan sekali kerana negara ini mempunyai masyarakat yang sangat aktif dan mempunyai sosio-budaya yang berbeza dengan masyarakat di Malaysia. Selain itu, program ini juga telah dijadikan sebagai satu permulaan jalinan kerjasama antara UPM dan Mauritius pada masa akan datang. Bersesuaian dengan misi Universiti Putra Malaysia (UPM) yang menginginkan kemajuan manusia sejagat menerusi penerokaan dan penyebaran ilmu, program khidmat komuniti yang merupakan salah satu aktiviti yang juga diadakan di Mauritius telah dapat membuka peluang kepada staf mahupun pelajar agar dapat menyumbang ilmu sekaligus dapat menimba sebanyak mungkin pengalaman di tempat aktiviti yang telah dilaksanakan.



Di University of Mauritius bersama Pro-Vice Chancellor dan Dekan Fakulti Undang-Undang.



**C**AMERON HIGHLAND, 13 Mei – Pusat Kokurikulum dan Pembangunan Pelajar serta pelajar-pelajar serta fasilitator-fasilitator Kokurikulum Berkredit Batik Canting (QKH2103) dengan kerjasama Jabatan Kemajuan Orang Asli (JAKOA) telah mengadakan Program yang dinamakan serta bertemakan “Memperkenalkan Kebudayaan Masyarakat Melayu Kepada Orang Asli”.

Program ini telah dijalankan di Perkampungan Orang Asli Kampung Leryar Cameron Highland, Pahang selama dua hari bermula 12 hingga 13 Mei 2018.

Majlis perasmian telah dilaksanakan oleh Puan Rosmawati binti Mad Karim, Pegawai Tadbir Pusat Kokurikulum dan Pembangunan Pelajar manakala majlis penutupan pula telah dilaksanakan oleh Prof. Madya Dr. Nur Izura binti Udzir, Timbalan Pengarah Pusat Kokurikulum dan Pembangunan Pelajar.

Seramai 90 orang pelajar yang melibatkan tiga kumpulan Kokurikulum Berkredit Mencanting Batik QKH2103 telah menyertai program ini. Kumpulan pelajar yang terlibat ialah kumpulan 1, 2 dan 3.

Program ini telah dijayakan oleh penglibatan semua pelajar beserta komuniti orang asli dalam pelbagai aktiviti yang disediakan oleh para pelajar dan fasilitator. Antara aktiviti-aktiviti tersebut ialah Sukan Rakyat “Together We Survive”, Malam Kebudayaan, Senamrobik dan Program “To Start Fresh And Explore The Colours”.

Objektif program ini antara lainnya ialah untuk memperkenalkan kebudayaan masyarakat melayu kepada masyarakat orang asli terutamanya dalam seni pembuatan batik. Program ini turut memberi peluang kepada para pelajar untuk mengenali budaya komuniti orang asli disamping membantu untuk membuka minda belia agar sentiasa hidup berkomuniti dan bersatu-padu.

Diharapkan dengan terlaksananya program ini, generasi belia berpersonaliti unggul dan memiliki tanggungjawab sosial yang tinggi dapat dibentuk seterusnya dapat memupuk keharmonian negara sejajar dengan aspirasi kerajaan.



## PROGRAM MEMPERKENALKAN *Kebudayaan Masyarakat Melayu* KEPADА ORANG ASLI 2018





# PROGRAM KESELAMATAN MEDIA SOSIAL: **Be Social, Be Safe**

Pada 24 Mac 2018 Program Keselamatan Media Sosial: Be Social, Be Safe telah diadakan di Auditorium Jurutera Radin Umar Universiti Putra Malaysia anjuran Kementerian Pembangunan Wanita, Keluarga dan Masyarakat (KPWKM) dengan kerjasama Pusat Kokurikulum dan Pembangunan Pelajar (PKPP) UPM. Seramai 300 orang pelajar telah terlibat.

Antara objektif program ini adalah memberi kesedaran tentang kepentingan untuk melindungi data peribadi secara atas talian dan memberi pendedahan maklumat tentang kes penipuan di media sosial.

Program ini telah dirasmikan oleh Encik Azman bin Mohd Yusof, Timbalan Ketua Setiausaha (Strategik) KPWKM. Program telah dimulakan dengan ucapan oleh Prof. Madya Dr. Paramasivam, Pengarah PKPP UPM diikuti oleh Dr. Waitchalla R.R.V. Suppiah, Timbalan Ketua Setiausaha (Operasi) KPWKM. Ia diikuti dengan perkongsian daripada Rakan Strategik KPWKM, Dato' Afdlin Shauki

Forum Be Social, Be Safe telah diberi sambutan oleh panelis berkaliber seperti Prof. Madya Dr. Nur Izura Udzir daripada UPM, En. Mahesh daripada Iverson Associates dan Inspektor Hazira daripada Bahagian Penyiasatan Jenayah Korporat (CCID), Polis Di Raja Malaysia (PDRM).

Sesi tersebut turut diisi dengan ceramah dan percambahan idea bersama pelajar oleh Pn. Elina Abd Munib daripada Cybersecurity Malaysia. Pelajar dipecahkan kepada kumpulan dan pembahagian topik dan kemudian diminta untuk membentangkan hasil dapatan mengikut kumpulan. Program ini diharap dapat memberi kesedaran dan mengurangkan pelajar menjadi mangsa buli siber.



**BANGI, 8 April – Gabungan Universiti Putra Malaysia (UPM), Universiti Kebangsaan Malaysia (UKM), Universiti Tenaga Nasional (UNITEN), German-Malaysian Institute (GMI), Malaysia France Institute (MFI) bersama satu kelab bukan kerajaan (NGO) iaitu Kelab Silat Gayong Pusat Latihan Kajang Utama (PLKU) dengan kerjasama Pusat Kokurikulum dan Pembangunan Pelajar UPM telah berkolaborasi untuk mengadakan Program Tautan Silat Seni Gayong IPT. Persatuan Silat Gayong Malaysia UKM turut menjadi penganjur bersama dalam menyajikan lagi program ini.**

Majlis perasmian dan penutupan telah disempurnakan oleh En. Idris bin Shaffie@Shafie, Penyelaras Program Tautan Silat Seni Gayong IPT.

Program ini telah dijalankan di Kompleks Sukan Universiti Kebangsaan Malaysia, Bangi pada 8 April 2018. Program ini bertemakan “Penyatuan Silat Melalui Sukan”. Pelbagai aktiviti sukan yang sangat menarik telah diadakan dengan jayanya seperti bola tampar, futsal, sukaneka dan tarik tali.

Diharapkan agar program seperti ini dapat diteruskan pada masa akan datang agar kecemerlangan mahasiswa dapat dipacu melalui kemahiran insaniah dan teknikal.

### *Gambar Majlis Perasmian*



Pelajar berkumpul sementara menunggu perasmian.

## **PROGRAM TAUTAN SILAT SENI GAYONG IPT 2018**

Program kali ini turut bertambah menarik lagi dengan penglibatan sebanyak enam buah IPTA/IPTS dan juga sebuah kelab dari Badan Bukan Kerajaan (NGO) yang julung-julung kalinya diadakan. Seramai 30 orang pelajar kokurikulum berkredit Pengenalan Kepada Seni Silat Gayong (QKW2101) bersama lebih 75 orang lagi telah melibatkan diri dalam program ini.

Pelbagai objektif telah pun diterapkan melalui perlaksanaan program ini demi membina kemahiran kepimpinan yang jitu dalam kalangan para pelajar. Tambahan lagi, program yang dilakukan telah menarik minat para pelajar yang kurang aktif dalam aktiviti sukan untuk turut berkolaborasi dan menyertai program ini.

Program ini bukan sahaja dapat meningkatkan interaksi sosial dalam kalangan pelajar, malah ia juga dapat meningkatkan keyakinan diri melalui penglibatan semua pelajar dalam perlaksanaan program ini dengan jayanya.



Senaman pagi.

*Futsal Lelaki Dan Wanita*



*Bola Tampar Lelaki Dan Wanita*



*Sukan Rakyat*



*Tarik Tali*



*Majlis Penutup*



“ Sayang kumbang mencari makan  
 Terbang seiring di tepi kali  
 Selamat datang PKPP ucapan  
 Moga diiring restu Ilahi  
 Jiwa bersatu kata sepakat  
 Kerja berpadu bertambah berkat ”



Prof. Madya Dr. Nur Izura Udzir  
Timbalan Pengarah PKPP

Melaporkan diri pada :  
2 Januari 2018



Puan Rosiha Abdul Razak  
Penolong Pendaftar Kanan

Tarikh Lapor Diri :  
2 Mei 2018



Cik Emiliaz Markun  
Penolong Pendaftar

Tarikh lapor diri :  
9 Julai 2018



Puan Noor Ain Mustaza  
Pembantu Setiausaha

Tarikh Lapor Diri :  
21 Mei 2018



Ahmad Zikri Zainol  
Pembantu Tadbir

Tarikh lapor diri :  
9 Julai 2018

## PROGRAM MEGA PUSAT KOKURIKULUM DAN PEMBANGUNAN PELAJAR

*Universiti Putra Malaysia*

Adakah anda tahu bahawa Program Mega telah mula diperkenalkan sejak tahun 2006. Ia merupakan program yang anjuran pelajar yang mengikuti kursus keusahawanan, kebudayaan, kepimpinan, pengucapan awam, kesukarelawan, daya usaha dan inovasi, sukan dan khidmat komuniti. Pelajar perlu merancang, mengurus dan mengendalikan program mega ini mengikut pengkhususan mereka. Ia sering diadakan antara minggu 11-13 setiap semester. Setiap pelajar dalam program ini akan dinilai oleh fasilitator dan pegawai pemantau yang dilantik.

Program mega boleh diadakan di dalam mahupun di luar negara. Dari segi kewangan Pusat Kokurikulum dan Pembangunan akan memberikan

bantuan kepada setiap kumpulan antara RM150-RM200 dan pelajar digalakkan mencari penajaan atau mengusahakan dana bagi menampung kos menjalankan projek mega ini. Dengan adanya projek mega, pelajar dapat berkomunikasi dengan berkesan dalam Bahasa Melayu dan Bahasa Inggeris dalam pelbagai konteks dan bentuk komunikasi. Program yang dianjurkan juga diharap dapat mengalakkan pelajar berfikir secara kritis, kreatif, inovatif, analitis dan berkebolehan mengaplikasikan pemahaman serta pengetahuan.

Selain itu pelajar akan bekerjasama dengan pihak luar daripada pelbagai latar belakang dan sosio-budaya sepanjang program mega ini, serta dapat membentuk kemahiran insaniah yang tinggi kepada semua pelajar.

SERDANG, 16 Disember – Kejohanan Bola Sepak Veteran 9 Sebelah Piala Saheh Said UPM 2017 telah diadakan pada 16 Disember 2017 bertempat di Kolej Kesepuluh UPM dan Stadium UPM. Kejohanan ini telah dijayakan oleh para pelajar Kumpulan 1, 2 dan 3 QKS2101 Bola Sepak dengan kerjasama Pusat Kokurikulum dan Pembangunan Pelajar UPM.

Kejohanan ini dinamakan sempena memperingati jasa Encik Saheh Said, Penolong Pendaftar Kanan Pusat Kokurikulum dan Pembangunan Pelajar yang telah kembali ke rahmatullah. Kejohanan ini dianjurkan bersama dan ditaja oleh Kelab Bola Sepak Alumni Sultan Ismail College Kuala Lumpur (SICKL).

Program kali ini telah menyaksikan penglibatan seramai 74 orang pelajar bersama-sama dengan penyertaan dari pelbagai agensi dan badan bukan kerajaan (NGO) seperti Pasukan Bola Sepak Pahang, Pasukan Bola Sepak Kelantan, Pasukan Bola Sepak Pulau Pinang, Pasukan Bola Sepak Melaka, Pasukan Bola Sepak Terengganu dan Pasukan Bola Sepak Selangor. Kejohanan ini telah dipantau oleh Puan Zaharah binti Abdullah, Ketua Perkhidmatan Sukan UPM.



# Kejohanan Bola Sepak **VETERAN 9 SEBELAH PIALA SAHEH SAID 2017**

pingat dan wang tunai RM1,000.00. Kesemua hadiah telah disampaikan oleh En. Mohd Akram, Pengurus Alumni Sultan Ismail College Kuala Lumpur (SICKL).

Objektif penganjuran kejohanan ini antara lainnya telah membantu memupuk sikap kerjasama, toleransi dan kesepaduan diantara para pelajar dari seantero pelusuk negara dalam menggembangkan tenaga dan usaha yang tidak berbelah bahagi dalam menganjurkan program ini.

Dengan perlaksanaan kejohanan ini, usaha pemantapan kemahiran insaniah dapat dipupuk dengan lebih mendalam dan meyeluruh. Diharapkan agar kejohanan seperti ini dapat diteruskan lagi di masa muka dengan mengetengahkan banyak lagi aktiviti-aktiviti sukan sebagai wadah dalam penyatuan kepelbagaiannya latar belakang demi memupuk semangat perpaduan dalam kalangan masyarakat.





# TEMASYA BUDAYA WARISAN MELAYU 2017

SERDANG, 3 Disember – Pelajar-pelajar Pusat Kokurikulum dan Pembangunan Pelajar, UPM dengan kerjasama Fakulti Bahasa Moden dan Komunikasi telah menganjurkan program Temasya Budaya Warisan Melayu 2017 di Muzium Warisan UPM yang bertujuan memperkenal dan memperkasa budaya warisan melayu dalam kalangan masyarakat.

Perasmian pembukaan program telah dirasmikan oleh Dekan Fakulti Bahasa Moden dan Komunikasi Prof Abdul Mua'ti @ Zamri B Ahmad pada 2 Disember 2017 di Muzium Warisan Fakulti Bahasa Moden dan Komunikasi UPM.

YBhg Tan Sri Mohd Ali Bin Mohd Rustam selaku Presiden Dunia Melayu Dunia Islam (DMDI) merasmikan program perasmian penutup pada 3 Disember 2017.

Sebanyak 600 pelajar telah turut serta dalam program kali ini yang melibatkan 15 kelas kursus kokurikulum berkredit kumpulan Batik Canting, Caklempong, Pengurusan Pentas, Seni Tari Melayu, Muzik Kompang, Bakti Siswa, Vokal Asas dan Gordang Sembilan.

Program ini turut diserikan dengan gerai jualan, pertandingan nyanyian irama warisan, pameran muzium dan pameran oleh penaja utama Dunia Melayu Dunia Islam (DMDI). Sesi bual bicara

Satu sesi bual bicara telah diadakan bersama Lah Ahmad dari Muslim Volunteer Malaysia (MVM)

untuk perkongsian berkenaan kesukarelawanan yang merupakan agenda utama Kementerian Pengajian Tinggi Malaysia.

Program kali ini telah menyaksikan lebih 100 penyertaan peserta mencanting batik termasuk 30 orang pelajar antarabangsa dari dari pelbagai Negara antaranya Korea Selatan, Syria, Pakistan, Mesir, Bangladesh, China, Indonesia, Jordan, Somalia dan Arab Saudi. Pelajar antarabangsa juga turut menyertai acara sukan rakyat bagi menyelami dan memahami budaya hidup masyarakat melayu dengan lebih dekat.

Objektif program ini antara lainnya ialah untuk menterjemahkan nilai cintakan budaya dalam diri pelajar menerusi warisan tradisi yang berunsur kemasyarakatan dan perpaduan bagi mencorakkan keharmonian masyarakat. Selain itu, program ini juga bakal menjadi platform untuk memperkenalkan budaya warisan kepada pelajar-pelajar antarabangsa.



### *Majlis Perasmian Pembukaan*



### *Malam Kebudayaan*



### *Sukan Rakyat*



### *Mencanting Batik*



# Program Jaringan Kelestarian UNIVERSITI PUTRA MALAYSIA 2018



**PUCHONG, 29 April – Program Jaringan Kelestarian telah dilaksanakan oleh para pelajar Kursus Bakti Siswa Kumpulan 14 dan 27. Program ini turut diterajui oleh Pusat Kokurikulum dan Pembangunan Pelajar dengan kerjasama Fakulti Ekologi Manusia, Pejabat Kesihatan Puchong dan Dewan Bandaraya Kuala Lumpur (DBKL).**

Program ini telah berlangsung di Pusat Jagaan dan Rawatan Orang Tua Al-Ikhlas, Puchong, Selangor selama dua hari bermula pada 28 sehingga 29 April 2018.

Program murni ini telah mengetengahkan tema “Mahasiswa Berbakti Masyarakat Bestari”. Seramai 49 orang pelajar yang terdiri daripada pelajar Kursus Bakti Siswa dari kumpulan 14 dan 27.

Majlis perasmian telah disempurnakan oleh Puan Muji binti Sulaiman, Pengurus Rumah Jagaan dan Rawatan Orang Tua Al-Ikhlas. Majlis penutupan dan penyampaian sumbangan barang keperluan khas pula turut disempurnakan dan disampaikan oleh YBhg. Prof. Dr. Aini binti Ideris, Naib Canselor Universiti Putra Malaysia dan YBhg. Prof. Dr. Laily Hj Paim, Dekan Fakulti Ekologi Manusia Universiti Putra Malaysia.

Pelbagai aktiviti menarik telah dilaksanakan oleh para pelajar termasuklah gotong-royong, Program “Tautan Kasih”, melukis mural dan Program Ikatan Kasih Ukuwah Terjalin. Tambahan lagi, Program Putra Sihat, Program Ceria dan Harmoni, Program “Green World Great Health” dan pemeriksaan kesihatan turut dilaksanakan dengan jayanya.

Perlaksanaan program ini mampu menjana mahasiswa yang tampil kehadapan dalam berkomunikasi bagi menyesuaikan diri dalam aktiviti kemasyarakatan di samping membudayakan khidmat masyarakat. Program ini dapat mewujudkan kesedaran dari segi etika dan moral kepada golongan intelek terhadap peranan dan tanggungjawab sosial dalam mencapai pembangunan modal insan. Di samping itu, hubungan baik dan mesra antara mahasiswa UPM dengan masyarakat atau warga emas dapat dibina terutamanya untuk menggalakkan dan memupuk nilai-nilai kekeluargaan dalam interaksi manusia dalam masyarakat sejagat.

Dengan adanya aktiviti seperti ini, diharapkan agar keyakinan dan motivasi pelajar dalam mengendalikan sesuatu program yang melibatkan komuniti yang ramai dan berbilang kaum dapat ditingkatkan lagi supaya pemimpin yang berintelektual tinggi serta daya saing yang unggul dalam pelbagai bidang dapat dilahirkan.



**SERDANG:** Seramai hampir 90 pelajar Universiti Putra Malaysia (UPM) telah terlibat dalam menjayakan Festival Teater Pendek 2017 anjuran Pusat Ko-Kurikulum dan Pembangunan Pelajar (PKPP), Universiti Putra Malaysia baru-baru ini.

Penganjuran festival teater ini diadakan bertujuan untuk mendedahkan pelajar-pelajar kursus Ko-Kurikulum Berkredit (QKB 2103) Teater dan Drama Pentas dengan selok-belok pengurusan produksi teater pendek melalui pendekatan ‘project-based learning’. Dalam masa yang sama, pelajar-pelajar ini turut diberi tunjuk ajar oleh fasilitator mereka tentang bagaimana untuk menguruskan sebuah acara dengan baik.

Tema ‘Antagonis’ telah diangkat sebagai tema utama Festival Teater Pendek kali ini, di mana pasukan yang menyertai dikehendaki untuk menghasilkan sebuah naskah pendek mengenai latar belakang karakter jahat yang dipilih oleh mereka. Menurut salah seorang juri jemputan untuk festival ini yang juga merupakan seorang pengarah dan penulis skrip Malaysia terkenal, Saudara Andy Darrel Gomes, pemilihan tema festival pada tahun ini dilihatnya sebagai satu cabaran positif bagi pasukan-pasukan bertanding. Hal ini adalah kerana mereka perlu memanusiakan karakter jahat melalui penyampaian jalan cerita mereka bagi membolehkan penonton berasa simpati terhadap watak-watak tersebut.

Johan Festival Teater Pendek 2017 telah disandang oleh pelajar-pelajar dari Kumpulan 2 yang membawa naskah bertajuk ‘Kebayan’. Naib Johan dan tempat ketiga dimenangi oleh pasukan ‘Selingkuh Sang Merah’ dan ‘Joker’. Ketiga-tiga kumpulan membawa pulang hadiah berupa wang tunai, beserta piala dan hamper.

## Festival Teater Pendek 2017 UPM: CABAR PELAJAR MEMANUSIAKAN WATAK



# PROGRAM KARNIVAL IMARAH SURAU PENGURUSAN MASJID UPM 2018

**BANGI, 5 Mei – Pelajar Kokurikulum Berkredit Pengurusan Masjid Kumpulan 1 dan 2 dan Pusat Kokurikulum dan Pembangunan Pelajar UPM dengan kerjasama Jawatankuasa Surau Arraudah telah melaksanakan Karnival Imarah Surau Pengurusan Masjid 2018 yang bertemakan “Meniti Jalan, Meraih Keredhaan Allah”**

Program ini bertempat di Surau Arraudah, Seksyen 3 Bandar Baru Bangi, Bangi pada 5 Mei 2018.

Majlis pembukaan program telah dilaksanakan oleh Prof. Madya Dr. Mohd Adri Che Noh, Pengerusi Surau Bangi Perdana dan majlis penutupan disempurnakan oleh En. Johar Lajis, Pegawai Pemantau daripada Pusat Kokurikulum dan Pembangunan Pelajar, UPM.

Seramai 60 orang pelajar telah menyertai program ini yang terdiri daripada pelajar-pelajar Kursus Pengurusan Masjid (QKW2110). Antara aktiviti yang dijalankan ialah Walkathon, persembahan qasidah, pertandingan penulisan khat, pertandingan teka-teki, pertandingan gubahan, treasure hunt, talent show, sukan rakyat dan pertandingan azan.

Kursus pengurusan jenazah turut sama dilaksanakan. Aktiviti yang julung kalinya diadakan ini telah memberikan pendedahan dan perkongsian pengetahuan kepada para pelajar tentang tanggungjawab sebagai seorang muslim akan peri pentingnya dalam menyeimbangi tuntutan ilmu duniawi dan ukhrawi demi melahirkan generasi unggul pemangkin ummah pada masa hadapan.

Nilai kepimpinan bukan sahaja dapat ditonjolkan melalui pengajuran karnival ini, malah turut dapat memberi kesedaran dan pemahaman terhadap golongan intelektual akan peranan dan tanggungjawab masing-masing dalam menunaikan fardhu kifayah sebagai seorang muslim sejati demi kemasyhahaan manusia sejagat. Di samping itu, hubungan silaturrahim antara para pelajar dengan masyarakat sekeliling turut dapat dieratkan lagi melalui pelbagai pengisian aktiviti di masjid.

Dengan adanya penganjuran karnival seperti ini, diharapkan agar keyakinan dan motivasi pelajar dapat ditingkatkan dalam mengendalikan sesuatu program yang melibatkan komuniti yang ramai seterusnya melahirkan pemimpin alaf baharu yang mempunyai intelektual dan sahsiah yang unggul dan holistik.



*Pertandingan  
Menulis Khat*



*Pertandingan  
Mewarna  
& Gubahan  
Sejadah*



*Treasure Hunt*



*Pertandingan  
Azan*



*Pertandingan  
Busana*



Serdang, 17 September 2017, Pusat Kokurikulum dan Pembangunan Pelajar (PKPP) dengan kerjasama fakulti telah mengadakan Program Putra Success kepada pelajar baharu semester pertama sesi 2017/2018.

Program ini telah diadakan mulai jam 0830 pagi hingga 0500 petang bertempat di semua fakulti dengan dihadiri lebih 3500 orang pelajar tahun 1 Semester Pertama 2017/2018. Program ini telah dikendalikan oleh 100 orang fasilitator yang terdiri daripada tenaga pengajar di UPM.

Pelaksanaan Program Putra Success ini merupakan usaha PKPP dalam menyampaikan maklumat dan pengalaman yang berguna serta memberi nilai tambah (Value Added) kepada pelajar-pelajar baharu UPM sebagai mahasiswa baharu di Universiti Putra Malaysia yang kebanyakannya mengalami satu kejutan budaya terutama daripada segi hubungan sosial dan sistem pembelajaran di universiti.

Hasil daripada program ini, pelajar akan mendapat pendedahan dan panduan seperti penyesuaian diri terhadap persekitaran seperti

kejutan budaya, perubahan sikap, pengurusan masa dan disiplin diri, aspek pembelajaran seperti strategi, kemahiran dan teknik pembelajaran, sosialisasi iaitu kemahiran bersosial dan berinteraksi serta kerja berkumpulan, kepentingan berkomunikasi dalam Bahasa Inggeris dan ekspektasi majikan terhadap kualiti graduan yang bakal memasuki pasaran pekerjaan.

Program ini diaplikasikan melalui pendekatan 70% praktikal dan 30% teori yang memerlukan pelajar berkomunikasi melalui idea perbincangan dan aktiviti dalam kumpulan. Semua pelajar telah dibahagikan mengikut kumpulan yang telah ditetapkan oleh fakulti. 1 kumpulan adalah seramai 35-40 orang yang mana terdapat seorang fasilitator.

Program ini telah dilaksanakan menggunakan kaedah penyampaian dalam Bahasa Inggeris sepenuhnya mengikut topik iaitu Success Putra, Study Skills dan Ethics, Integrity & Culture. Secara keseluruhannya program ini telah berjalan dengan jayanya dan mencapai matlamat seperti yang ditetapkan.

## 3500 PELAJAR MENYERTAI PROGRAM PUTRA SUCCESS SEMESTER PERTAMA SESI 2017/2018



# ENGLISH ENHANCEMENT COURSE FOR CO-CURRICULUM FACILITATORS

Today, Sunday 8 Apr 2018, the Co-curriculum and Student Development Centre UPM (Pusat Ko-kurikulum dan Pembangunan Pelajar, PKPP) has organized an English Enhancement Course for our facilitators. And successfully, I might add... heheh

I applaud the highly committed and sporting participants for their zest, energy and dedication to ever improve themselves, in order to enhance the learning experience and quality in the co-curriculum classes they teach, which will surely benefit the students.

It was undeniably an awesome course, everybody was enjoying themselves, and we had so much fun! It was kinda like our own version of Oh MyEnglish! :D

Plus, in assisting and coaching the participants in delivering their course contents in English, we the panels also learnt many new things from everyone - from the batik canting motifs, tools & colours, to traditional Malay dance steps, public speaking tips, to entrepreneurship.

It was also a manifestation of an excellent teamwork. Good job everyone!

The course, initiated by the Director of PKPP, Assoc. Prof. Dr. Paramasivam, was conducted by Assoc. Prof. Dr. Tengku Fadilah and myself as panels, and the credits should also go to Pn. Flora Ilyana, Cik Siti Afiqah, Pn. Rosmawati, Dr. Che An and En. Hairolnizam for their contributions in making this course a success.





## 300 Bakal Graduan MENYERTAI PROGRAM PUTRA EXCELLENCE 2018

Serdang, 22 April 2018, Pusat Kokurikulum dan Pembangunan Pelajar (PKPP) dengan kerjasama Kolej Kediaman, Bahagian Hal Ehwal Pelajar, Pusat Pembangunan Keusahawanan dan Kebolehpasaran Graduan (CEM), Bahagian Kaunseling UPM dan Alumni UPM telah mengadakan Program Putra Excellence kepada pelajar tahun 3 & 4 di Universiti Putra Malaysia.

Program ini telah diadakan mulai jam 0830 pagi hingga 0430 petang bertempat di Dewan Putra 2, Serumpun, UPM yang telah dihadiri lebih 300 orang pelajar tahun 3 & 4. Program ini juga telah dikendalikan oleh 3 orang penceramah yang dilantik iaitu Puan Hanie Raziaf, Encik Mohd Shafree Ahmad dan Encik Koh Mui Han.

Objektif program ini adalah bagi membantu dan merealisasikan Visi dan Misi UPM untuk melahirkan graduan yang mampu berdaya saing dan berpengetahuan luas dalam minda kelas pertama. PKPP juga membantu dalam memastikan pelajar bukan sahaja cemerlang di dalam bidang akademik malah mereka juga mampu memenuhi tuntutan Industri dan mampu mendapatkan pekerjaan setelah tamat pengajian.

Aktiviti awalan bagi program ini adalah semua pelajar telah diberikan penerangan dan matlamat baharu universiti yang telah disampaikan oleh Encik Nazri Noh seiring dengan saranan Kementerian Pengajian Tinggi Malaysia (KPTM) untuk diterapkan di kalangan semua bakal graduan.

Seterusnya program diteruskan lagi dengan aktiviti mengikut topik iaitu Life Journey Option, E-Myportfolio dan Linked-In Development. Semua pelajar telah diberikan pendedahan kepada bakal graduan dengan kemahiran kebolehpasaran diri, teknik atau tip penulisan resume yang baik dan pembangunan data diri bakal graduan melalui E-MyPortfolio/E-Resume dan LinkedIn.

Program ini telah dilaksanakan menggunakan kaedah penyampaian dalam Bahasa Inggeris sepenuhnya.

Secara keseluruhannya program ini telah berjalan dengan jayanya dan mencapai matlamat seperti yang ditetapkan. Program ini telah berakhir pada jam 0500 petang.



**Program : PELANCARAN BUKU “THE MALAKA CHITTIES”**  
**Tarikh : 27 NOVEMBER 2017**  
**Tempat : KAMPUNG CHITTY GAJAH BERANG, MELAKA**

Datuk Seri Dr. S. Subramaniam Sathasivam, Menteri Kesihatan merangkap Presiden MIC telah menyempurnakan Majlis Pelancaran Buku “The Melaka Chitties” di Kampung Chitty, Gajah Berang, Melaka. Buku “The Melaka Chitties merupakan hasil kajian Prof. Madya Dr. Paramasivam, pensyarah dari Universiti Putra Malaysia dan pengkaji sejarah K. Narayanasamy mengenai masyarakat Hindu Peranakan.

Presiden MIC dalam ucapannya berkata, kewujudan kaum Chetti lebih 500 tahun di negara ini adalah hasil asimilasi budaya yang mengambil masa yang panjang

dan ia perlu dikekalkan untuk generasi seterusnya kerana ia merupakan harta yang tidak ternilai. Kaum Chetti perlu sentiasa menangkis pelbagai unsur luar pada masa kini yang boleh menggugat amalan, tradisi dan budaya masyarakat kaum minoriti itu.

Beliau turut menegaskan bahawa lebih banyak penyelidikan terhadap latar belakang dan kehidupan kaum Chetti perlu dilakukan oleh ahli akademik atau pengkaji sejarah agar kumpulan minoriti ini dapat diketengahkan kepada orang awam secara lebih meluas.



**Program : TEMURAMAH BERKENAAN KEMEN SEKELUARGA TOLAK PRONOGRIFI (STOP)**  
**Tarikh : 24 JULAI 2018**  
**Tempat : PUSAT KOKURIKULUM DAN PEMBANGUNAN PELAJAR**

Temuramah Prof. Madya Dr. Nur Izura Udzir bersama wartawan Harian Metro tentang kempen Sekeluarga Tolak Pornografi (SToP) yang dilaksanakan oleh Wadah sejak Januari tahun lepas.

Beliau berkata selaku Naib Presiden Wadah dan penceramah SToP tujuan program ini adalah untuk memberi kesedaran dalam kalangan ibubapa dan komuniti tentang bahaya pornografi kepada

keluarga, remaja dan masyarakat. Kempen kawalan penggunaan gajet dan keluarga bijak siber perlu diperluaskan sebagai usaha mengekang anak-anak daripada terdedah kepada bahan lucuah dan pornografi dalam internet.

Sebanyak hampir 60 program SToP telah dijalankan dan jumlah penyertaan terkini kira-kira 5000 orang peserta.

# KEM PERDANA KURSUS LENCANA PERKHIDMATAN UNIT PENGAKAP KELANA (PENGAKAP KELANA SISWA)

Pelajar-pelajar Pusat Kokurikulum dan Pembangunan Pelajar, UPM daripada Kursus Pengakap Kelanasiswa Kumpulan 2 dan 4 telah mengadakan Perkhemahan Lencana Perkhidmatan buat ahli pengakap iaitu pada 11 hingga 13 Mei 2018 yang bertempat di Kem Pengakap Tengku Muhammad Ismail, Telaga Batin, Kuala Terengganu, Terengganu.

Pelbagai aktiviti dan program yang bermanfaat telah dilaksanakan bagi menggambarkan kehidupan yang sebenar buat kumpulan kelana siswa yang bakal mengharungi dunia realiti penuh dengan cabaran. Aktiviti tersebut juga berperanan supaya pelajar dapat mengaplikasikan kesukaran kehidupan di kem dalam kehidupan di luar yang lebih mencabar. Pergerakan pengakap juga diertikan sebagai sukarela, bebas daripada politik untuk melatih generasi muda, terbuka kepada semua tanpa mengira asal-usul, bangsa dan kepercayaan agama selaras dengan tujuan, prinsip dan kaedah yang diasaskan oleh Baden Powell.

Pergerakan pengakap mempunyai tujuan untuk memberi latihan kepimpinan yang berdasarkan prinsip, persetiaan dan undang-undang pengakap kearah mencapai nilai murni dan mengeratkan persaudaraan pengakap antarabangsa tanpa mengira warna kulit, agama dan kebudayaan serta bersepada bagi mewujudkan insan yang seimbang dan harmonis dari segi intelek, rohani dan jasmani dengan berdasarkan kepercayaan dan kepatuhan kepada Tuhan.

Objektif utama Kem Perdana ini dilaksanakan adalah untuk mendapat kemahiran dengan melibatkan diri dalam aktiviti-aktiviti luar seperti berkhemah, mengembara dan lain-lain. Aktiviti-aktiviti tersebut melatih seseorang itu menjadi seorang yang berpengalaman dan boleh bergantung kepada dirinya sendiri dan seterusnya membantu orang lain. Pada masa yang akan datang kelanasiswa akan lebih berani untuk melangkah lebih jauh lagi dalam kehidupan mereka dengan membuat perkara yang lebih mencabar diri mereka dan mereka tidak akan takut untuk berdepan dengan situasi sebeginu.

Program ini juga bertujuan untuk melatih generasi belia (pengakap kelanasiswa) yang kompeten disamping itu juga berusaha untuk mendapat anugerah tertinggi dalam pengakap kelana iaitu Sijil Anugerah Baden-Powell(B-P Award). Malah untuk memperkembangkan lagi potensi dari segi kepimpinan dan mendapat kemahiran dan pengalaman dalam pelbagai aktiviti seterunya mendapat Lencana Perkhidmatan.

Seramai 40 orang ahli pengakap menyertai kem perkhemahan tersebut untuk melayakkkan diri mereka untuk mendapat lencana perkhidmatan. Dengan itu, antara aktiviti yang dilakukan adalah aktiviti pertama dengan melawat Masjid Kristal, mereka melihat seni bina masjid Kristal yang unik dan dapat mempelajari proses bentuk tamadun islam di Terengganu. Secara rumusnya dapat menambah pengetahuan yang lebih banyak. Aktiviti kedua adalah memanah, mereka merasai dan mempelajari teknik memanah dengan betul dan dapat mengetahui keadaan memegang dan mensasarkan target di papan memanah. Rumusnya dapat membantu meningkatkan ketahanan fizikal dan mental terutama di bahagian tangan. Aktiviti ketiga adalah aktiviti melalui halangan dengan melepas 10 halangan untuk menguji ketahanan dan kuatuan. Hal ini dapat menambahkan ilmu pengetahuan untuk mereka. Aktiviti keempat adalah dengan mengadakan satu pertandingan pengucapan awam, dengan itu dapat melatih mereka untuk yakin berucap di hadapan khalayak ramai. Itu merupakan aktiviti terakhir sebelum aktiviti majlis penutupan iaitu dengan penganugerahan Lencana Perkhidmatan dan sijil bantuan mula.

Pada aktiviti terakhir iaitu majlis penutup telah dirasmikan oleh Tuan Norhisham Bin Mohd Nasir dan diiringi Tuan Mohd Hafeez bin Mansor dengan pemberian ucapan serta sijil penghargaan kepada mereka. Secara konklusinya, kem ini semangnya banyak memberi manfaat yang tidak ternilai kepada generasi muda khususnya ahli-ahli KLKM UPM dimana aktiviti yang dijalankan dapat diterapkan dalam kehidupan seharian yang melahirkan ahli yang bijak berdikari, komitmen dan berfikiran terbuka dalam menghadapi kehidupan di luar sana.





“ Terima kasih...  
 Kalungan melati di taman selasih  
 Kalam tersurat di hijung laman  
 Kalungan budi junjungan kasih  
 Digenggam erat sepanjang zaman  
 Kembara dulu kenangan rindu  
 Catatan inspirasi bertamu budi  
 Jasa baikmu anyaman padu  
 Amalan tradisi berilmu berbakti ”



**Prof. Madya Dr. Siti Salwa Abd. Ghani**  
Timbalan Pengarah PKPP

Tempoh :  
Mei 2016 - 31 Oktober 2017



**Encik Saheh bin Said**  
Penolong Pendaftar Kanan

Tarikh berpindah : 1 Oktober 2014  
Beliau telah kembali ke rahmatullah  
pada 27 Oktober 2017



**Mohd Fadzli Md Nordin**  
Pekerja Sambilan Harian

Tempoh :  
25 September 2017 -  
30 November 2017



**Rosmawati Mad Karim**  
Penolong Pendaftar

Tempoh :  
19 Februari - 30 June 2018



**Mohd. Amiruddin bin Zawawi**  
Pembantu Tadbir

Tempoh :  
15 April 2015 - 15 Mei 2018



**Hafidzah binti Nor Ismail**  
Setiausaha Pejabat

Tempoh :  
16 Mei 2016 - 19 Februari 2018







**PUSAT KOKURIKULUM DAN PEMBANGUNAN PELAJAR**  
UNIVERSITI PUTRA MALAYSIA  
43400 UPM SERDANG  
SELANGOR DARUL EHSAN  
TEL: 03-8946 7279  
FAKS: 03-8946 7280

pusat kokurikulum dan pembangunan pelajar - csdc upm  
 instagram csdcofficial

**WWW.PKK.UPM.EDU.MY**

